

僧伽羅刹所集佛行經

卷四

四百廿九  
樓十二

50994



元祿九年丙子二月日重修

皇圖 聖圖 帝 晉 綴 昌

佛 日 增 輝 轉 輪 常 轉

山城州 天安寺 法金剛院 置

僧伽羅刹所集佛行經卷第四

樓

符秦世沙門僧伽跋澄譯

爾時世尊云何說道迹於彼說道迹時猶如  
王大路謂之王路星宿謂星宿路此迹亦如  
是至涅槃者謂至涅槃路彼是等見處所等  
志等語等命無有差違等方便不缺漏等念

無量等三昧色不變易緣彼若干色  
欲亦無塵垢結使永使不起無有色  
無衆刺欲滅愛故亦無有泥欲除邪見故等  
見具足等滅結使故永不復起彼微妙果故  
現種種義欲除希望故無有衆想欲求出要  
樂故若干果成就無著要故等度彼名色於



彼遊行故謂是道一無有二皆得至彼第一  
義處所爲緣一往者自心誓願謂一入爾時  
世尊以第一辯而知道以能自覺知則不壞  
敗所爲業勝無有亂想果報已獲得諸善根  
能覺悟彼衆生便說是道使至無爲於是便  
說此偈

所興衆生類

有道甘露法

佛有是功德

於世最第一

我於今自得

清淨禁戒具

爲人須論說

是故我拜首

爾時世尊知鴛崛鬘今應受化當於爾時無  
惡知識言論覺已便往彼道唯有一人存在  
五流盈路人皆證知飛鳥驚鳥處處噉食時

鴛嶠鬘行如疾風若舉足時群鹿飛鳥皆悉  
驚怖馳走是時鴛嶠鬘在闍梨園中左右顧  
視無所覩見唯見世尊端正無比紫磨金色  
方便所爲胷不傾偃身體極軟細行步庠序  
盡其力勢走逐如來後是時世尊不改舊行  
亦不能及爾時世尊便化此地使作坻渠荆  
棘以是之故不能得及或有作是說以脚躡  
地以是之故不能及世尊或有作是說化無  
色四大眼識不可持或作是說佛功德不可  
思議然後鴛嶠鬘力如暴象無能當者然佛  
威力不可思議猶彼神龍那羅延億百千數  
亦不能得近如來是時鴛嶠鬘便作是歎曰

見此未曾有便白世尊此意甚奇甚特便無  
瞋恚害意作是思惟此是誰恩德此必是神  
人猶如此惡世我還此美猶如饑饉有利亦  
如生愛念然我不能得及此必是善知識今  
我疲極住遙語世尊言

當爲我身故

世所希見聞

今亦目見德

願當小留住

世尊告曰汝自不住方言我住於是鴛崛鬘  
白世尊言

沙門自不住

我住言不住

云何我不住

願世尊具說

是時世尊告曰

無惡則是住 持戒護人長 如迦葉弟子

是故汝不住

彼本行少諸惡永盡流五汚體便解劔捨著

一面白世尊言

師今是我護 遭遇此聖師 求為作弟子

不違師禁戒

爾時世尊作是故告曰善來比丘便說此偈

猶彼大海水 亦生烟火燄 未受降伏者

今應受我化 亦有善降伏 清淨而得度

亦為我弟子 如是不受有 覩者皆怖畏

及諸妖魅神 是諸鬼神處 最勝便入彼

是時阿羅婆鬼聞彼褐陁披鬼語瞋恚熾盛

顏色變異瞋恚火起眼如赤銅聲響雷震無  
數瞋恚熾盛搖頭齧脣震動身體便作是語  
我於世間亦不見人民之類能來至我住處  
者懷如是狐疑何故彼人來至我所說彼鬼  
神名婆多者梨醯摩披陁爲首離二善使語彼  
大鬼神言莫作是語佛世尊未降伏者能降  
伏之能安處衆生獲無上道皆使擁護有形  
之類如是不相應福田汝今鹿言惡語不與  
相應時瞋恚大盛倍於前是時阿羅婆鬼喘  
息氣猶如火燄視瞻極惡便捨彼鬼界瞋恚  
所纏絡身體極黑顏色變易不與常同口出  
四牙髮黃如金上下相义人面汚其形皆濕



不乾著師子皮著象皮著犛牛皮大華鬘如  
大火燄手執刀劔撞地而行皆破山岳移山  
林拔樹或起大雲暄覆大光明以水灑虛空  
聲如雷震便自到住處欲得傷害世尊種種  
樹木皆悉焚燒色變易手執輪雷電霹靂如  
是瞋恚觀察如來作若干變化求如來便時

佛說此偈

衆生有畏想

我志不移動

今得解脫法

無有恐怖心

處火不畏火

亦復不畏水

諸懷惡念者

何能傷害我

爾時阿羅婆鬼聞世尊言便自息心不能得  
壞彼處恐畏人所不至便降雹雨於如來上

盡不墮地各散在餘處或復有墮如來身者  
皆化作曼陀羅華是時鬼神王見此力勢歎  
未曾有便發歡喜意於如來所便作是言速  
出沙門世尊便出彼鬼爾時欲試世尊便作  
是語還入沙門然世尊無怨恨心即入彼處  
如是至三廣說如契經於是世尊便說此偈

釋及諸梵天

無能動一毛

況復汝今力

堪任傷害吾

汝今捨瞋恚

有疑便時問

汝所有猶豫

我當事事解

爾時彼鬼便作是問人何者為上廣說如契  
經爾時於現法中便於如來所發歡喜心而  
說此偈

未曾見有是

如此沙門者

誰能捨大海

而就牛跡水

當為我身故

便作如是說

誰不飲此味

當捨甘露去

如彼有力士

為水所漂溺

已拔厄難處

安處無為岸

善色無有比

智者之所觀

所有彼義者

能皆說此法

自今歸命佛

三寶最是尊

所以求願者

一切得濟度

如是聞摩竭國界五地大神於羅閱城而止

大勢羅他擁護人民車乘熾盛土地豐熟賢

聖人民皆處其中無與等者食如甘露三事

微妙亦無眾惱猶如彼難陀洹園諸天中第

一尔時佛世尊最為無比時調達於世尊所

常懷瞋恚未曾休息所行非法以是瞋恚故  
上耆闍崛山園觀熾盛樹木繁茂泉源清涼  
手執石欲擲如來即便放石是時彼石無有  
情念猶自能持漸漸墮地彼調達有是非義  
種種鬼神輦持石欲使不墮金毗羅鬼在耆  
闍崛山住以已之力彼石欲墮時便生是心  
此雖惡業然我等夜叉以此之身當辦是事  
亦使世尊受百千樂若我能爲此事者便說  
此偈

心清淨無瑕

起於若干義

我今沒此身

無得害最勝

尔時調達便以石放如來上時於山上彼鬼

即以手接石有一碎石墮如來上受此報對  
脚指五出調達受無量罪緣是果報當入地  
獄是時石墮地時三十天散華供養以空  
解脫介時散華側塞虛空於彼受化講堂三  
十三天晝度樹佛光明遠照無憍慢慈愍衆  
生時披羅墮時梵志以五百事呵罵世尊舍  
利弗朋肌奢等比丘歎如來是時如來若被  
毀辱不以爲感若復讚歎不以爲喜介時便  
說此偈

受苦心不移

猶安明不動

息意甚牢固

故拜首神仙

爲他衆生故

功德無有量

如父愛其子

誰不拜首者

曾聞如是世尊在摩竭國界是時世尊無量  
功德具足到時著衣持鉢大衆圍遶諸根具  
足觀察已身亦無衆亂行步庠序亦不卒暴  
將諸無數比丘衆欲往詣彼當於尔時摩竭  
國王有象名檀那波羅形貌極端正頭生三  
瘡聲響清徹意欲所至難可制持若聞異聲  
便懷瞋恚若自顧見影亦懷瞋恚無能當前  
者隨意所欲若彼戰鬥亦不毀其力亦不減少  
尔時世尊便入彼城却敵樓櫓埤堦皆悉具  
足人民熾盛或有愁者或有歡喜者恐害如  
來欲得親近如來是時帝婆達兜飲象子使  
醉而放彼象是時調達放象已便說此偈

自稱有大力 及身十種力 今日已集會  
盡當於此滅

尔時世尊無所畏懼便說此偈

伊羅鉢有千 無能勝我者 况當此小蟲

欲害人中上

我於尔時無是思想便說此偈

無欲之力勢 衆生有欲心 以除此欲報

亦不懷亂想

復次說此偈

我今雖破壞 大象甚牢固 我今降伏彼

一切出無上

尔時檀陀波羅熟視如來形顏色極黑見彼

象翹尾身體方正覩者皆懷恐怖奔走向如  
來今時諸比丘蒙如來恩力順如來教戒當  
避此惡象各自馳走遠如來所唯尊者阿難  
在如來後無數生常與如來共并既自不  
惜身命亦不捨如來是時檀那波羅象瞋恚  
熾盛火纏絡其身欲害如來是時瞋恚之火  
漸漸休息廣說如契經是時以手輪相甚微  
妙無有比

今時如來舉手著象頭上以慈悲心無瞋恚  
之心聞如來語即便涕零頭面著如來足上  
以舌舐足亦不可移動是時彼象便懷此恐  
懼形體無有力勢不覺便利然後世尊以此



賢聖便說此偈

無有欲憍慢

世尊無此塵

時發慈悲心

必當生天處

尔時世尊以此音響倍懷歡喜和顏悅色於  
如來所以頷鼻著如來足還入本國人民衆  
多見此未曾有象以降伏歡喜無恐懼之心  
皆有信樂於如來尔時便說此偈

如山不可動

況當勝瞋恚

以勝彼怨敵

猶伊羅鉢龍

有如是之德

力勢無有等

人中雄師子

盡當來拜首

如是衆生類

無有愚癡心

三界伏其名

覺意無與等

如是衆生類

亦有瞋恚患

志性皆休息

牢固稱遠布

智慧而瓔珞

心淨無所著

十力悉具足

是故當拜首

是時王猶如月虛空無有衆塵息心事皆辦  
七神仙皆爲瓔珞亦無有塵垢星自瓔珞猶  
如伊羅鉢所至處雲隨其後種種瓔珞莊飾  
其身於彼聞已猶彼神象遊行珍寶亦無狐  
疑四部之兵人民自圍遶於彼象上舉火象  
鼻攝持

尔時世尊在羅閱祇城欲得見如來便往至  
世尊所是時世尊見王斯須出領無數衆圍  
遶王便作是念從遠來我宜當自護便生是  
念已便告耆婆見已便作是語汝不活我耶

是時王須臾間顏色端正無比出人之上華  
菓茂盛亦無衆塵三部具足猶蜂王音響不  
善生於彼園觀比丘僧前後圍遶遠來欲見  
如來見已數數顧視耆婆告耆婆曰處其中  
者爲是何物時耆婆奏彼王言此名肉髻時  
王復問此自然耶爲非自然耆婆白王言行  
果所種非今所造王報言復以何果成於菩  
薩於本所生於本受胎本所造行本所造身  
廣說如契經時王便說是頌

猶彼日光明 或有若干種 頂髻無有上

况復及餘相 顏貌已和悅 能仁無怯弱

已出此光明 照徹十方刹

時王便至佛所佛告耆婆曰云何當作是說  
耆婆白王言於是天王能降伏憍慢者便得  
豪貴處憍慢者便生界處是時王便自息意  
思惟是言便作是語此是福田我當行此業  
耶如我豪尊云何當向彼禮拜彼無服飾我  
今著王服天冠彼人雖端正心以休息衆相  
具足無有醜陋彼相甚微妙猶如山不可移  
動便往至門生歡喜心衣毛皆豎以出要心  
故無欲之想頭面禮世尊足便作是說猶如  
世尊有如是色心意得正皆悉成就佛及比  
丘僧使我優陀耶披陀羅太子亦復如是便  
問是義歡喜如是語亦說此偈

如海無有邊

風吹水則動

聖尊不可移

今觀人中上

帝釋來拜首

及諸梵天衆

我今當尊敬

自歸命世尊

是時闍提蘇尼梵志猶如純白華乘馬車弟子衆圍遶出舍衛國欲得試如來乃至車行處便乘車往即下車步入園中共如來漸漸論義在一面坐是時世尊所居之處不見有所有見如來顏色甚微妙無與等者亦無怯弱有轉輪聖王相見此身體眼觀知如是法如世尊法甚深微妙梵行亦無處所有如是大功德智者所歎譽而說愛欲無有牢要亦無虛妄是時梵志便作是問云何尊自知行

梵行耶爲非行梵行爲豎立諸根自今智難  
可量是時世尊告曰若作是等說者說者亦  
不缺漏非不有力亦無衆行極清淨無瑕穢  
修梵行若有人語我等說作是說此義云何  
廣說如契經是時闍提舒尼梵志復問世尊  
云何爲缺云何爲漏云何爲行云何非不有  
力云何衆行極清淨無比有是梵行是時世  
尊告曰於是婆羅門當作是求愛欲更樂若  
有梵行者而自覺知苦樂觀眼色如是梵行  
如是初當求梵行設起想著彼名曰缺計彼  
衆數者名曰漏意所覺知者是謂非不有力  
無有塵垢意流馳於中起不淨意是梵行垢

故故曰梵行廣說如契經婆羅門於我所觀  
皮所覆中不淨聚選擇見其身我色愛已盡  
復當於眼而觀眼色耶然婆羅門我觀更樂  
亦無有行豈當有更樂耶欲染著於更樂受  
此細滑然婆羅門我觀一切無常豈欲不盡  
有染著之意耶若婆羅門於此諸法我亦不  
觀此若男若女皆悉分別云何當起女欲想  
流馳著彼若復婆羅門彼無男欲想復不與  
女相應直而起欲想耶猶如婆羅門彼有限  
齊得出要樂何當憶本所造行耶然後婆羅  
門諸非義生欲拔濟苦惱出家學道以此誓  
願而修梵行有七事故不與梵行相應無缺

漏亦無衆行廣說如契經若復婆羅門衆生  
有亂想著不離愛欲於彼衆生類云何當作  
是觀諸有淨想著於此身內盛臭處欲皆盡  
猶如婆羅門以水和乳猶知有此乳此合會  
愛欲亦復如是當作是察筋骨相連內盛臭  
穢有何可貪猶如婆羅門嬰孩小兒先與甘  
味著口後飲以苦此亦如是合會起欲想能  
忍欲苦相種種若干百類猶如新死犢子觀  
其皮乳得多

新生犢子死取皮釀草如生犢  
形置其母前母謂子活故乳不

竭此亦如是諸死境界等越度彼觀其相貌  
便起染著之意猶如婆羅門飢渴之人夢食  
甘饌飲食便歡喜踊躍然彼人亦無所食此



亦如是諸愚癡人貪著於欲猶彼夢無異合  
會生其念然彼人實無趣善行若男女若有  
衆變易於是便說此偈

此是非真法

欲怒何可貪

梵志當善觀

苦本難可拔

親近道最要

當斷愛欲意

賢聖八品道

尔乃至善處

是時五人遙見如來見已便相告言彼人向  
此來本所爲事今亦不辦廣所見聞隨意所  
食無有忌難種種勤苦行迷惑未成道術廣  
說如契經尔時世尊便作是念愍此愚惑人  
自作制限彼制限者無有恭恪心於如來所  
尔時世尊以至彼人所即於淨地坐縛由何

生欲療治病。尔時佛語五人云。何汝等而作是語。更互乞食。與說深法。是時五人不受教。誠此法甚苦。覺知是時語。世尊言。汝本六年勤苦學道。日食一麻一米。猶不得道。況今隨心口自恣。言得道耶。食甘饌。飲食被珍寶具衣。隨意所欲。自養其身。是時世尊告曰。云何汝等比丘。觀如來顏色。有變易耶。諸根心寂。顏貌端正。如今顏像。與本容色。豈不異乎。彼境界過去。彼荅曰。如今端正。而無有比。世尊告曰。若本不得是甘露者。誰當於此三千世。而得甘露。亦聞天阿須倫。於大海中。須彌山底。而得甘露。此亦如是。於此三千世。以勇猛意。

得智甘露味此甚竒特世未曾有百千劫所  
造行息心最爲妙遠離名色解脫自在甘露  
味甚深爲彼衆生故而說其法忍其勤勞未  
曾辭憚爲一切結使故不起塵勞欲開心智  
故處母胎以此生死故而究竟其元無滅故  
不可盡有常故法無寡無憂感故樂也欲滅  
結故更不造新大神仙衆所歎譽已衆成就  
然我所行勤苦爲一切萌類故今當說法是  
時世尊圓光七尺顏色如安明山三世所宗  
重一切智所說無所罣礙如是比丘是謂爲  
苦本成就阿維三佛廣說如契經天人所歎  
光明無有盡是時日暝不現復以此人或以

身著微妙衣裳至如來所或著天衣至如來所皆垂天冠種種色不同或瓔珞而墮地者飢虛於世尊甘露是時便說此偈

世尊亦無生

饒益天人眾

如食甘露味

終無飢渴患

今日十種力

生時世稱歎

當飲深法味

已至解脫界

今時如是眾行觀察苦賢聖諦最初受胎之苦為從何生永處幽冥不見燈明以是之故生為最苦觀此苦相生為長苦無所堪任長為業苦當筋力成辦有所希望苦意無厭足欲有所求不獲為苦不充希望所獲為苦起若干方便欲使不失以護漸漸磨滅為苦若

千衆惱悉至已得度彼岸難有內外人共諍  
苦親族錢財皆散憶彼難忘苦不離愛欲諸  
結使苦欲最爲苦以未滅故瞋恚爲苦罪行  
不滅故癡最爲苦無照明故憍慢爲苦由意  
熾盛自大爲苦無尊卑意朋友爲苦心不分  
離故愛最爲苦味著無厭貪嫉爲苦心不開  
解無戒爲苦由變悔故所見爲苦不見真諦  
故然有一切結自色爲苦無所恃怙爲苦求  
果報苦諸樹草木及四大所成共相繫著起  
諸因緣內四大苦若干變恠諸陰持苦由自  
然故諸入爲苦所依不離境界爲苦招致外  
色苦痛爲苦燒形體故樂痛爲苦由苦而生

無苦無樂爲苦由境界生想最爲苦由衆生  
有行識最爲苦緣彼而生老則爲諸根羸劣  
病最爲苦四大不隨死最爲苦更受異形怨  
憎會爲苦共親近心所欲不得此最爲苦亦  
甚苦取要言之五盛陰苦常負重擔於彼所  
趣處地獄爲苦燒炙身形畜生爲苦各相食  
散餓鬼爲苦飢渴逼形人身爲苦種種非行  
天爲苦福盡必終隨彼界墮三惡趣欲界爲  
苦愛欲纏絡色界無色界亦無有智皆悉爲  
苦如是爲三苦逼皆悉攝持卽時以身意行  
故或以一行而造苦所造行皆悉爲苦如是  
衆苦無有休息因緣不盡當覺知色如是愚

者之所爲然須陀洹究盡其元斯陀含少有  
不盡毛髮之餘阿那含當除至阿羅漢永盡  
無餘爲世現照明今時世尊三耶三佛爲衆  
生類作大覆護便說此偈

無數百衆行

常造苦惱業

以懷此色難

現在有此證

彼實是無常

解本皆悉空

自然法所立

常當自覺知

是時云何復生此苦所謂自相境界五根具  
足若彼自相境界相應智迴轉是故極清淨  
愚者所不學不與智慧相應復有利根愚者  
謂之盲冥世尊與諸聲聞本所造行智慧  
善根自相合會相如所修苦賢聖諦皆悉觀

察云何當觀此生死苦知有苦賢聖諦悉無  
常牢持而不捨皆悉同一起如是心於苦而  
觀苦彼最爲妙於苦觀空最初微妙等度彼  
處苦觀空時彼皆是分散之法自然觀察如  
是於苦觀無我彼智信所成最初有是頂法  
善長益數數求方便等智功德無所希望三  
昧林不缺漏外塵永盡亦無所著以想思惟  
故除去塵埃一切境界苦無所敗壞除去有  
愛亦無所畏亦無暴亂顏色和悅自觀境界  
於彼現光於三世起大燈明欲害彼結拔濟  
惡趣爲彼衆故無彼此心亦不懈怠得甘露  
味分別彼章等度生死故流轉四境界欲照



明彼衆生故勤行苦行周窮一切亦無處所  
亦無顛倒除去顛倒者甚深難可測於是便  
說此偈

若眼有苦時

清淨無量念

無味極鮮明

人之所歎譽

彼如是之智

音響相娛樂

觀佛十種力

護世衆生類

如有見禁戒

如來所長益

執志如金剛

分別一切空

若拔愛根本

亦無衆苦惱

當拜首下心

最勝無有比

當云何觀察世尊所謂有如是無漏智慧彼  
觀道場處所亦見力勢爲世故觀世光明於  
其中間所修苦行皆悉觀察彼彼衆生觀慈

悲心欲使安隱彼無量勤苦觀如是苦行於  
異境界而自觀察於大衆中觀如來說微妙  
法令分布義觀甚握法若法眼清淨亦觀彼  
法身無有衆生想若復作是觀亦不言禁戒  
曾聞尊者名優波斯有弟子名鉢摩迦往詣  
摩輸羅境界於彼止宿彼到時著衣持鉢廣  
說如契經人未曾見不解彼威儀便入姪女  
村中彼姪女見此比丘年少端正身無塵埃  
見懷歡喜欲意熾盛時彼比丘便入姪舍觀  
如是結使不欲造結使如是穢解脫法速得  
此法果是時比丘便作是語而說此偈  
欲如彼毒藥 欲爲不淨行 欲爲壞姪色

隨人入惡趣

作是說已便退而去彼人婬意熾盛為彼比丘故便結旃陀梨祝術語彼旃陀梨如是之義是時旃陀梨莊嚴此女人化作村落之處致比丘來汝觀察此處猶彼釋提桓因宮殿無異廈堂高廣亦無有比莊嚴卧具無數衆色在彼廈堂上所卧之處文繡紈蠕坐觀此地處種種華香而散其上一周帀種種青蓮芳蘭而生其邊作如是觀便作是結呪祝語比丘言此極微妙可共娛樂時鉢默比丘報言我盡觀此亦當觀餘旃陀梨言餘何者是鉢默報言

我今觀果實

欲最第一苦

終當入地獄

受彼鑊湯惱

是時旃陀梨報言止止比丘莫語我作是言  
鉢默比丘報言此語是愚癡欲眩惑我我不  
與尔同彼旃陀梨見已便作大火坑無有塵  
曠時鉢默比丘報言我已見此火坑旃陀梨  
報言若不欲親近女者不如入此火坑死是  
時彼比丘便作是思惟此火雖恐懼避火親  
近欲者然欲熾於大火設犯欲者後受罪無  
量寧今日入此火坑不犯此欲然我師神通  
無比云何當違師教以是之故當入火坑而  
死不犯欲而生今俱捨二事云何於三世如

來立禁戒今我當犯以是之故入火坑而死  
如是思惟已欲持僧迦梨鉢以施彼人時旃  
陀梨報言用是衣鉢為鉢默比丘報言

今此諸梵行

持我衣鉢施

諸有集聚者

持我語告彼

比丘名鉢默

遭此厄難處

今投火坑死

不受彼欲愛

乃至彼二人俱出家學道廣說如契經是時

復說此偈

世修善雖少

思惟憶不忘

亦不受彼欲

欲度衆生故

況復開甘露

世尊一切妙

云何造功德

彼智隨時興

尔時世尊云何周旋來往覺知生本所謂於

此等語有二種風形體功德心意所覺是謂  
二風彼形體風者生諸愛念意所覺者猶如  
華敷鮮明淨潔猶如彼風觀見解脫所爲事  
勝猶雪成水此心雲亦復如是攝持內外境  
界有清涼風起覺知彼意彼持無量不破壞  
有六境機關外爲四大所使四大根力所繫  
彼有軟風起漸漸有智生亦如彼舉足時皆  
是本行之德不失本所爲之相踣骨所行來  
往皆有火起於一切骨屈伸卷舒筋脉漸緩  
有所希望若復視瞻開目閉目內身根更樂  
漸漸熾然隨彼來往若復食斂屈伸卷舒皆  
由形所造及餘心所造行依彼煖風除去顛

倒風亦吹落唇齒聲響本意所造一切種子  
法然彼風處所有勝皆有此語有如是聲響  
彼作是說不為福云何不為繫縛我作是說  
有此機關外有壞敗內有衆行不作是時便  
有盡便有長養猶如智車於此見截緣如是  
豪貴法緣依彼時想顛倒於是便說此偈

此甚奇甚特

覺知空無智

展轉相依倚

機關最為要

亦不觸彼意

身意所依倚

有如是衆事

眩惑為微細

是時世尊為梵行云何梵不亂不從彼學獨  
遊無侶於人中功德威儀最為微妙無著於  
一切衆生所為之業無能及者衆生無有量

依倚一切微妙之法法自然故一切智不可  
壞成大要道所欲成就必果無疑諸功德具  
聲聞圍遶生一切德一切微妙今時世尊於  
彼衆少形體最第一衆德成就除幽冥世無  
所著三世無著棄諸結使得大慈悲心無亂  
想已度彼憂畏之處至安隱處長夜降伏其

心自得授彼於是便說此偈

梵行最爲妙

慈功德成就

若彼聞此教

天人皆拜首

於正法無二

彼樂亦無二

必當成聖賢

是故拜首聖

今時佛世尊三耶三佛忍地最爲微妙除諸  
結使亦無所著火所不燒所悟事勝風亦復



勝功德無畏大衆成就爲衆重擔甚深相應  
不可思議猶如師子無怯弱心顏色和悅爲  
彼外學故已修無著猶如蓮華無所染汚自  
依衆故自破壞意所希望亦復能辦拔諸結  
使故衆最爲妙倍種種相生受取爲妙若自  
求於一切生爲妙當拜首最福田所擁護人  
民王最第一不作是觀彼義甚深捨衆穢法  
月最爲勝分別諸法毗沙門爲第一聲響清  
徹師子吼最第一欲種良福田有增上學捨  
一切田業釋提桓因爲第一一切世間功德  
爲第一示現涅槃道亦爲勝愍護一切衆生  
解一切縛爲妙於是便說此偈

如來之功德 一切普悉備 止住釋種家

猶海集衆寶 及餘佛法衆 充滿三世界

欲求往彼岸 當從如來取

是時世尊爲人中師子雄希望於一切智色  
和悅咽喉功德無比佛法功德有四神足甚  
安詳去離麁獷之言直身正意衆智具足眼

爲清淨根萌芽分別衆法稱揚其德未知智  
猶雨甘露難可沮壞十力具足勇猛超彼覺  
知一切所趣而往救濟大慈悲禪解脫四等  
未曾缺亦無愛欲味觀食而食得無所畏降  
伏彼衆彼猶如師子鹿王鳴吼之時其聞聲  
者皆馳走四趣止谷趣谷止穴趣穴鳥飛虛

空此亦如是若聞無常聲此凡夫人及長壽  
皆懷恐怖於身見皆馳走而去猶如彼龍象  
聞師子聲不覺便利或絕韁鞵走諸有長壽  
色界諸天亦復如是聞無常之教味著所樂  
各有此戀愛心今時世尊爲師子鹿王意悉  
無恐懼成其道果亦不退轉觀者皆歡喜止  
觀微妙知彼功德無有愚惑於是便說此偈  
猶彼師子吼 聞者皆驚愕 以智分別法  
種種有別名 於生死恐懼 佛德不可議  
是故拜師子 師子王中王

僧伽羅刹所集佛行經卷第四

樓

各下 蠕 反神路上 偃

反君 下上 尺 反直 亞音

音 紆 釀 瘡 躡

軟 阮 草 側 反尼

反 向上 瓜 輒

眩 反尼 反梨

惑 恪 睥 醯

下上 反口 睨 下

音 音 各 下上 呼

或 縣 憚 宜必

韁 反徒 禮米

鞞 旦 反反 犛

下上 祝 褻 牛

音 音 術 婆 二 猫

半 薑 字上 弟上 音 毛

驚 馬 呪 音 撞

愕 統 呂 地

